

From: shing wun lai
To: "panel_itb@legco.gov.hk" <panel_itb@legco.gov.hk>
Date: Friday, March 07, 2014
Subject: 2014 年 3 月 15 日資訊科技及廣播事務委員會

標題：亞洲電視『洗紅錢』有匪國特色的長壽蝕本生意

八十年代, 中共開始投資香港, 不少中資參與, 大多以蝕光資本告終, 一盤生意每月支出二百萬, 向上級報告支出二千萬, 蝕本一千八百萬, 兩年以來勁蝕四億餘, 領導亦兩年一換, 換來換去都係蝕本收場, 究竟這是一盤怎樣做落去的生意呢???

『洗黑錢』VS『洗紅錢』

正常人做生意講求收支平衡, 但一些中國人住往經營一盤蝕本生意, 而且長蝕長有, 彷彿有金山銀海的資金, 就好似電影「門徒」入面劉德華經營的電器舖一樣, 其實係一盤洗黑錢的生意. 但係洗黑錢係嚴重罪行, 全世界金融機構同政府都睇得好緊, 風險亦好大. 而『洗紅錢』就全無風險了, 尤其係背後既金主係中共, 場地係香港, 呢盤生意就非常安全了!!!

亞洲電視正在進行『洗紅錢』大生意

入主亞洲電視四年的盛家(盛品儒, 王征), 據稱已投入了十六億元, 觀乎亞洲電視近年業務, 除左新聞部之外, 就得番賽馬節目有人做野, 完全冇自家制作戲集, 其他綜合節目亦極少, 多數係一些左嘴五毛的鳩噏節目, 最離譜係連三十年前既節目「方太與你」及「開檯」都夠膽拎出黎重播, 基本上真係唔洗用咩錢, 究竟四年點蝕十六億呢???

想當年由林建岳揸旗既時代, 差不多請晒無線既大排演員來亞視, 有何守信, 曾志偉, 肥肥, 盧海鵬, 林建明, 羅文, 林敏聰, 黃霑, 任達華, 黃日華等等等等, 幾乎可以在亞視重拍歡樂今宵, 當時話亞視每日燒銀紙一百萬, 但係人地晚晚出三線劇集, 又有好多資訊性節目, 一度追到三成收視呢!!!

而家既亞洲電視呢, 基本上係零收視兼完全無廣告, 但竟然仲有 800 個員工, 很多中共喉舌統戰機構既退休員工來到亞視工作, 基本上呢間表面上係電視台既物體, 實際上係一個五毛大本營, 每日的工作就係「幫黨出聲」, 盛家接手搞呢盤生意, 應該係直接向維穩辦申請「筆直」而非中宣部, 以佢地既支出, 每年不出一億, 篤數四年駛左十六億, 即係話佢地呢四年最少執左十二三億, 有咩生意好得過『洗紅錢』呢???